

Малое повечерие

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 69:

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящися глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми; Помощник мой и Избавитель мой еси Ты, Господи, не закосни.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятется сердце мое. Помянух дни древния, поучихся во всех делех Твоих, в творениих руку Твоею поучахся. Воздех к Тебе руке мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне Господи путь, вонже пойду, яко к Тебе взях душу мою. Изми мя от

враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю небесный. Боже Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, Воземляй грех мiра, помилуй нас, Воземляй грехи мiра, приими молитву нашу: Сядяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца, аминь.

На всяку ноць благословлю Тя, и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Сподоби, Господи, в ноць сию без греха сохранитися нам. Благословен еси, Господи, Боже отец наших, и хвально, и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сядяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую,

Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

КАНОН:

ПЕСНЬ 1:

КАНОН ВОСКРЕСНЫЙ, ГЛАС 2:

Хор:

Ирмос: Во глубинѣ постлѣ иногда/ фараонѣтское всебѣинство преоружѣнная сила;/ воплощающееся же Слово всезлѣбный грех потребило есть,/ препрослѣвленный Господь,// славно бо прослѣвился.

Припев: Слава Господи, святому Воскресѣнию Твоему.

Тропарь: Мирскій князь Блаже, емуже написахомся,/ заповѣди Твоея не послушавше, крестом Твоим осудися:/ приразися бо Ти яко смѣртну:/ отпадѣ же власти Твоея державою,// и немощный обличися.

Припев: Слава Господи, святому Воскресѣнию Твоему.

Тропарь: Избавитель рода человѣческаго,/ и нетленному животу Начальник/ в мир пришѣл еси:/ Воскресѣнием бо Твоим раздрал еси смѣртныя пелены,// Еже славословим вси: славно бо прослѣвился.

Припев: Пресвятая Богородице, спаси нас.

Богородичен: Превышши явилася еси, Чистая Приснодево,/ всякия невидимыя же и видимыя твари:/ Зиждителя бо родила еси,/ яко благоволи воплотитися во утробе Твоей,// Егоже со дерзновѣнием моли, спасти души наша.

КАНОН БОГОРОДИЦЫ ИЗ ОКТӨИХА, ГЛАС 2:

Припев: Пресвятая Богородице, спаси нас.

Тропарь: Невещественная древле лѣствица,/ и странно оледенѣвший путь моря,/ Твое являше Рождество, Чистая,// еже поем вси: яко прослѣвился.

Припев: Пресвятая Богородице, спаси нас.

Тропарь: Сила Вышняго, Ипостась Совершенная, Божия Мудрость,/

воплóщися, Пречíстая, из Тебé, // к человéком бесéдова: я́ко прослáвися.

Канóн Богорóдицы из Минéи, глас 1:

Припев: Пресвятáя Богорóдице, спасí нас.

Тропарь: Дíвны Твоя́ чудесá, Влады́чице Богорóдице, / Я́же исцели́ усéченную рúку десnúю преподóбному Иоáнну Дамаскíну, / ё́уже по исцелéнии песнотворéние написá в прославлéние íмене Твоегó, / и вси, таковóму чудесí дивя́щися, вопи́ют: // рáдуйся, Преблагословéнная, в болéзнях нáших исцелéние. *(Дважды)*

Припев: Пресвятáя Богорóдице, спасí нас.

Тропарь: Влады́чице Богорóдице, / извлеки́ мя из глубины́ напáстей и бед, / прибегáю и аз под кров Твой и заступлéние, / да не изы́ду посрáмлен и лишён мíлости Твоея́, / слезя́щий пред чудотвóрною икóною Твоею, // на нéйже три руки́ изображéны в слáву Бóга Вы́шняго. *(Дважды)*

Припев: Пресвятáя Богорóдице, спасí нас.

Тропарь: О Богоблажéнная и Многоименíтая Дéво Мáти, / истóчник милосéрдия и щедрóт, / аз имéю к Тебé véру véлию, наде́жду извéстную и любóвь сердéчную, / отврати́ всякия напáсти от раб Твои́х, / слáвим бо тричíсленное и нераздéльное на икóне пречíстых рук Твои́х явлéние, // íмиже Ты Святúю Трóицу во едíнстве прославля́еши. *(Дважды)*

Слáва Отцú и Сы́ну и Святóму Дúху.

Тропарь: Влады́чице Дéво, кто не удивíтся всечестнýя Твоея́ икóны троерúчному явлéнию, / слáдостно бо зрéти, кáко Ты премúдро Триипостáсное Божествó прославля́еши, / скóро услы́ши, Пречíстая, молéние нáше и защити́ руко́ю Твоею, // ю́же трéтию яви́ нам на заступлéние.

И ны́не и прíсно и во вéки векóв, ами́нь.

Тропарь: Влады́чице Дéво, кто не удивíтся всечестнýя Твоея́ икóны троерúчному явлéнию, / слáдостно бо зрéти, кáко Ты премúдро

Триипостáсное Божество прославляеши,/ скоро услыши,
Пречистая, моление наше и защити рукою Твоею,// юже
третью яви нам на заступление.

КАТАВА́СИЯ, ГЛАС 4:

Хор: **Отвѣрзу уста моя,/ и наполнятся Духа,/ и слово отрыгну**
Царице Матери,/ и явлюся, светло торжествуя,// и воспою,
радуясь, Той чудеса́.

ПЕСНЬ 3:

КАНОН ВОСКРЕ́СНЫЙ, ГЛАС 2:

Хор:

Ирмос: **Процвела́ есть пустыня, яко крин, Господи,/ языческая**
неплодящая церковь,/ пришествием Твоим,// в нейже
утвердися мое сердце.

Припев: **Слава, Господи, святому Воскресению Твоему́.**

Тропарь: **Тварь в страсти Твоей изменяшеся,/ зрящи Тя в нищетне**
образе от беззаконных поругаема,// основавшего вся
Божественным мановением.

Припев: **Слава, Господи, святому Воскресению Твоему́.**

Тропарь: **От персти по образу мя рукою Твоею создал еси:/ и**
сокрушена паки в персть смертную за грех,// Христѣ сошед во
ад, совоскресил еси́.

Припев: **Пресвятая Богородице, спаси нас.**

Богородичен: **Чѣни удивѣшася ангельстии, Пречистая,/ и человеческая**
устрашишася сердца о Рождестве Твоем:// темже Тя,
Богородицу, верою чтим.

КАНО́Н БОГОРО́ДИЦЫ ИЗ ОКТÓИХА, ГЛАС 2:

Припев: **Пресвятая Богородице, спаси нас.**

Тропарь: **Иже времени превѣшший всякаго,/ яко временем Творец,//**
из Тебѣ, Дѣво, волею Младенец создася.

Припев: **Пресвятая Богородице, спаси нас.**

Тропарь: **Чрево пространнейшее небес воспоим,// и́мже Адам на небесѣх**
радуясь, живѣт.

Канон Богородицы из Миней, глас 1:

Припев: Пресвятая Богородице, спаси нас.

Тропарь: С высоты Афонския Горы повсюду блистает/ богатство милосердия Твоего, Владычице Богородице,/ от святых иконы, юже троеручно яви на прибежище верным,/ мы же к Тебе воззопием:/ о Мати и Дево!// избави нас от огня, и меча, и всех бед, Препоблагословенная. *(Дважды)*

Припев: Пресвятая Богородице, спаси нас.

Тропарь: Безмерную Твою милость на мне славословлю/ и величаю в песнях благодарных чистым сердцем и усты,/ яко избавила еси мене всех напастей и бед/ и не допустила еси погибнути до конца./ И аз Тебе, Владычицу Богородицу, и чудеса образа Твоего// величати и прославляти не престану во веки. *(Дважды)*

Припев: Пресвятая Богородице, спаси нас.

Тропарь: Высоты велика Афонския Горы,/ но явление и чудеса иконы Твоея неизреченно превыше горы,/ и благодать Божия в ней, яко море неизчерпаемое, приходящим верою:/ приемлют бо утешение и в напастех избавление;// подаждь, о Препоблагословенная Дево, и мне, бедствующему, защищение скорое. *(Дважды)*

Слава Отцу и Сыну и Святому Духу.

Тропарь: Ты еси всех скорбящих прибежище, и обидимых Заступница,/ и нерушимый покров в бедах страждущих./ Темже, припадая, вопием Тебе, Дево Пречистая:/ прими моление наше,// от всея души честную и преисполненную щедрот икону Твою почитающих.

И ныне и присно и во веки веков, аминь.

Тропарь: Ты еси всех скорбящих прибежище, и обидимых Заступница,/ и нерушимый покров в бедах страждущих./ Темже, припадая, вопием Тебе, Дево Пречистая:/ прими моление наше,// от всея души честную и преисполненную щедрот икону Твою почитающих.

КАТАВА́СИЯ, ГЛАС 4:

Хор: Твоя́ песносло́вцы, Богоро́дице,/ Живы́й и Незави́стный
Исто́чнице,/ лик себе́ совоку́пльшия, духо́вно утверди́,/ в
Божество́нной Твое́й сла́ве// венце́в сла́вы сподо́би.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прѣсно и во ве́ки
веко́в, ами́нь.

Хор: Ами́нь

КОНДА́К ИКО́НЫ БОГОРО́ДИЦЫ «ТРОЕРУ́ЧИЦА», ГЛАС 8, ПОДО́БЕН: «ВЗБРА́ННОЙ
ВОЕВО́ДЕ...»:

Днесь весе́лое наста́ ны́не Твое́ торжество́, Богома́ти
Пречи́стая,/ вси ве́рнии испо́лнишася ра́дости и весе́лия,/ я́ко
сподо́бльшеся изря́дно воспѣти/ предѣ́вное явлѣние честна́го
обра́за Твоего́/ и ро́ждшагося из Тебе́ Младѣ́нца, и́стинна же
Бо́га,/ Егóже двема́ рука́ма объѣмлеши,/ и трѣ́тиею от напа́стей
и бед нас изыма́еши// и избавля́еши от всех зол и обстоя́ний.

Икос:

А́нгелов Творца́, и́стиннаго Све́та Христа́,/ неизрече́нно из
Тебе́, Богома́ти, возсия́вшаго, на ико́не чуде́сне яви́/ и
тричи́сленным Свои́м изображе́нием пречи́стых рук Твои́х вся
концы́ земли́ удиви́,/ те́мже благода́рственно дерза́ем вопѣти
Тебе́ си́це:/ ра́дуйся, по челове́честву двема́ рука́ма Сы́на и Бо́га
объѣмлю́щая;/ ра́дуйся, по Божеству́ трѣ́тиею руко́ю от
напа́стей и бед нас избавля́ющая;/ ра́дуйся, стра́ждущим в
печа́лех помога́ющая;/ ра́дуйся, болѣ́зни вско́ре исцеля́ющая;/
ра́дуйся, я́ко Тобо́ю защища́емся от враго́в си́льных,
помышля́ющих на ны зла́я;// ра́дуйся, сохра́няющая от всех
зол и обстоя́ний.

СЕДА́ЛЕН БОГОРО́ДИЦЫ, ГЛАС 5, ПОДО́БЕН: «СОБЕЗНАЧА́ЛЬНОЕ СЛОВО...»:

Я́ко возлюби́ла еси́ па́ству Твою́, Богоро́ждшая Ма́ти,/ на
благово́ли дарова́ти ей святу́ю пречестну́ю Свою́ ико́ну,/ на
не́йже Прему́дрость Триипоста́сную в пречи́стых рука́х Свои́х

прославляеши,/ и подаеши познавати в Троице Единого Бога,/ и многая чудеса от иконы Твоея верою и любовью Тя призывающим являеши,/ и паству Свою ограждаеши,// и подаеши всему миру спасение и утверждение.

Слава Отцу и Сыну и Святому Духу и ныне и присно и во веки веков, аминь.

ТОТ ЖЕ СЕДАЛЕН:

Яко возлюбила еси паству Твою, Богородица Мати,/ благоволи даровати ей святую пречестную Свою икону,/ на нейже Премудрость Триипостасную в пречистых руках Своих прославляеши,/ и подаеши познавати в Троице Единого Бога,/ и многая чудеса от иконы Твоея верою и любовью Тя призывающим являеши,/ и паству Свою ограждаеши,// и подаеши всему миру спасение и утверждение.

ПЕСНЬ 4:

Канон Воскресный, глас 2:

Хор:

Ирмос: Пришел еси от Девы, не ходатай, ни Ангел,/ но Сам, Господи, воплощься,/ и спасл еси всего мя человека./ Тем зову Ти:// слава силе Твоей, Господи.

Припев: Слава, Господи, святому Воскресению Твоему.

Тропарь: Предстоиши судищу яко судимь, Боже мой,/ не вопия Владыко, суд износя языком:/ имже страстию Твоею, Христе// вселенней соделал еси Спасение.

Припев: Слава, Господи, святому Воскресению Твоему.

Тропарь: Страстию Твоею, Христе,/ врагу оскудеша оружия,/ противным же еже во ад схождением Твоим, грады разрушишася,// и мучителя дерзость низложена бысть.

Припев: Пресвятая Богородице, спаси нас.

Богородичен: Ты пристанище спасения, и стену недвижиму,/ Богородице Владычице, вси вернии свемы:// Ты бо молитвами Твоими избавляеши от бед души наша.

Канон Богородицы из Октоиха, глас 2:

Припев: **Пресвятая Богородице, спаси нас.**

Тропарь: Се превознесёся Божественная Горá дому Господня, // превы́шше сил, Богомáтерь я́вственнейше.

Припев: **Пресвятая Богородице, спаси нас.**

Тропарь: Зако́нов естéственных кромé, / Едина́ Дéво рóждши влады́чествующаго твáрию, // сподóбилася еси́ Божéственного звáния.

Канон Богородицы из Миней, глас 1:

Припев: **Пресвятая Богородице, спаси нас.**

Тропарь: Обновím сердца́ véрою, / зря́ще во Афóнстей Горé нóвое Влады́чицы Богорóдицы троерúчное явлéние. / Всяк, недоумевáюще о сем, тóкмо моля́щеся, Тебé вопиét: / о Мáти и Дéво, / приими́ молéние нáше и подáждь мýлость и защищéние, // и испóлни язýк и сердца́ вёрных достóйнаго Ти хвалéния. *(Дважды)*

Припев: **Пресвятая Богородице, спаси нас.**

Тропарь: Рáдостною трубóю Афóн во вся концы́ земли́ глася́т: / приидите́ и видите́ дела́ Бóжия, / како́ Пречы́стая Дéва на икóне в руках Свои́х / явля́ет Трóичный вид Божества́, / ýмиже держит Любóвь и Милосéрдие, // восписýем сугúбо в сердца́х нáших рáдостную песнь достóйнаго Ея́ хвалéния. *(Дважды)*

Припев: **Пресвятая Богородице, спаси нас.**

Тропарь: Я́ко сподóбися преподóбный Михаи́л Малейн благода́ть я́вно от Тебé, Влады́чице Богорóдице, уллучи́ти, / сподóби и менé, Всепречы́стая, зрéти и разумéти, / како́ Ты Святúю Трóицу на икóне в руках Свои́х прославля́еши, / да восписúю в сéрдце моём Твой о́браз и молю́ Тя: // отvéрзи язýк мой и испóлни егó достóйнаго Тебé хвалéния. *(Дважды)*

Слава Отцу́ и Сы́ну и Свято́му Дúху.

Тропарь: Грядите́, лю́дие, ко Афóну днесь, / éже принестí молéние Приснодéве Чы́стей Богорóдице пред чúдною Ея́ икóною, / тричýсленно и нераздéльно пречы́стыми рука́ми

изображающую единую силу Божества,/ на сию же враги наша зрети не могут,/ мы же, вернии, взирающе на оную, вопиём:// отвори нам уста пети песнь достойнаго Тебе хваления.

И ныне и присно и во веки веков, аминь.

Тропарь: Грядите, людие, ко Афону днесь,/ еже принести моление Приснодеве Чистой Богородице пред чудною Ея иконою,/ тричисленно и нераздельно пречистыми руками изображающую единую силу Божества,/ на сию же враги наша зрети не могут,/ мы же, вернии, взирающе на оную, вопиём:// отвори нам уста пети песнь достойнаго Тебе хваления.

КАТАВАСИЯ, ГЛАС 4:

Хор: Седяй в Славе/ на Престоле Божества/ во облаце легце,/ прииди Иисус Пребожественный,/ Нетленною Дланию/ и спасе зовущия:// слава, Христе, силе Твоей.

ПЕСНЬ 5:

КАНОН ВОСКРЕСНЫЙ, ГЛАС 2:

Хор:

Ирмос: Ходатай Богу и человеком был еси, Христе Боже;/ Тобою, бо Владыко, к Светоначальнику, Отцу Твоему,/ от нощи неведения// приведение ймамы.

Припев: Слава, Господи, святому Воскресению Твоему.

Тропарь: Яко кедры, Христе, языков шатание сокрушил еси волею, Владыко:/ яко избовил еси на кипарисе, и на певке, и кедре, // плотию совозвышаемь.

Припев: Слава, Господи, святому Воскресению Твоему.

Тропарь: В рове, Христе, преисподнем положиша Тя бездыханна мертва:/ но Твоею язвою забвенныя мертвыя, иже во гробех спящия, уязвен// с Собою воскресил еси.

Припев: Пресвятая Богородице, спаси нас.

Богородичен: Моли Сына Твоего и Господа, Дево Чистая,/ на Тя уповающим мир даровати, плененным избавление, // от сопротивных настояний.

Канон Богородицы, глас 2:

Припев: Пресвятая Богородице, спаси нас.

Тропарь: Облацы веселия сладость кропите сущим на земли:/ яко Отроча дадеся,/ Иже сый прежде век,// от Девы воплощся Бог наш.

Припев: Пресвятая Богородице, спаси нас.

Тропарь: Житию и плоти моей свет возсия,/ и дряхлость греха разруши:// напоследок от Девы без семени воплощся Вышний.

Канон Богородицы из Миней, глас 1:

Припев: Пресвятая Богородице, спаси нас.

Тропарь: Афонская Горá преисполни́ся святы́нь,/ на нейже яви́ся и просла́вися святáя Твоя́, Влады́чице Богороди́це, ико́на,/ крася́щаяся излия́нием от не́я благода́ти во исцеле́ние скорбя́щих,/ и вси таково́му чудеси́ дивя́тся,// я́ко три пречи́стыя Твоя́ ру́ки нам яви́. *(Дважды)*

Припев: Пресвята́я Богороди́це, спаси́ нас.

Тропарь: Сия́ет добро́та, блиста́ют, я́ко со́лнечныя лучи́,/ от Твоея́ святы́я ико́ны разли́чная чудеса́,/ низпосли́ мне, о Преблагослове́нная,/ покрóв и заступле́ние Твое́ от враго́в, губя́щих мя,/ ти́и бо от руки́ Твоея́ поги́бнут,// я́ко трети́ю на ико́не изъяви́ нам на заступле́ние. *(Дважды)*

Припев: Пресвята́я Богороди́це, спаси́ нас.

Тропарь: Пресла́вное чу́до зрится, Всенепоро́чная Де́во, на ико́не Твое́й:/ во о́браз Святы́я Трои́цы ру́ки Сво́я яви́/ и позна́ние пода́еши рабо́м Твои́м,/ я́ко двема́ держи́ши Держа́щего вся,/ трети́ею же защища́еши во всех напáстех ве́рно прибега́ющих к Тебе́,/ мы же, ве́рнии, вопие́м:// ра́дуйся, Засту́пнице на́ша Всенаде́жная. *(Дважды)*

Сла́ва Отцу́ и Сы́ну и Свято́му Ду́ху.

Тропарь: О, неизме́римая глубина́ рождества́ Твоего́!/ О, неизрече́нное бога́тство милосе́рдия Твоего́!/ я́ко безме́рныя печа́ли и напáсти в ра́дость нам твори́ши,/ призыва́ющим Тя в ну́жде и обстоя́нии,// пода́ждь же ми́лость Твою́ в стра́шный День Суда́ и испытáния дел челове́ческих.

И ны́не и прѣсно и во ве́ки веко́в, ами́нь.

Тропарь: О, неизме́римая глубина́ рождества́ Твоего́!/ О, неизрече́нное бога́тство милосе́рдия Твоего́!/ я́ко безме́рныя печа́ли и напáсти в ра́дость нам твори́ши,/ призыва́ющим Тя в ну́жде и обстоя́нии,// пода́ждь же ми́лость Твою́ в стра́шный День Суда́ и испытáния дел челове́ческих.

КАТАВА́СИЯ, ГЛАС 4:

Хор: Ужасо́шася вся́ческая/ о Божество́нной сла́ве Твое́й:/

**Ты бо, Неискусобра́чная Де́во,/ имела еси́ во утробе над
все́ми Бо́га/ и родила́ еси́ Безле́тнаго Сы́на,/ всем
воспева́ющим Тя// мир подава́ющая.**

ПЕСНЬ 6:

КАНОН ВОСКРЕСНЫЙ, ГЛАС 2:

Хор:

**Ирмос: В бездне греховней валяясь,/ неизследную милосердия
Твоего́ призываю бездну:// от тли Бóже, мя возведи́.**

Припев: Сла́ва, Го́споди, свято́му Воскресе́нию Твоему́.

**Тропарь: Я́ко злоде́й Пра́ведник осуди́ся/ и со беззако́нными на
дре́ве пригвозди́ся,// по́винным оставле́ние Своёю да́руя
кро́вию.**

Припев: Сла́ва, Го́споди, свято́му Воскресе́нию Твоему́.

**Тропарь: Еди́нем у́бо челове́ком,/ пе́рвым Ада́мом дре́вле в мир
вни́де смерть,// и Еди́нем Воскресе́ние Сы́ном Бо́жиим яви́ся.**

Припев: Пресвята́я Богоро́дице, спаси́ нас.

**Богородичен: Неискусому́жно, Де́во, родила́ еси́,/ и ве́чнуеши Де́ва,
явля́ющи И́стиннаго Божества́,// Сы́на и Бо́га Твоего́ о́бразы.**

КАНО́Н БОГОРО́ДИЦЫ ИЗ ОКТО́ИХА, ГЛАС 2:

Припев: Пресвята́я Богоро́дице, спаси́ нас.

**Тропарь: Есте́ство челове́ческое рабо́тающее греху́,/ Влады́чице
Чи́стая, Тобо́ю свобо́ду уллучи́:// Твой бо Сын, я́ко а́гнец, за всех
закала́ется.**

Припев: Пресвята́я Богоро́дице, спаси́ нас.

**Тропарь: Во́пиём Ти вси, и́стинней Богома́тери,/ прогна́вавшия рабы́
изба́ви:// Еди́на бо дерзнове́ние к Сы́ну има́ши.**

КАНО́Н БОГОРО́ДИЦЫ ИЗ МИНЕ́И, ГЛАС 1:

Припев: Пресвята́я Богоро́дице, спаси́ нас.

**Тропарь: Во Афóн ра́достно вси притеце́м зрети́ явле́ние ико́ны
Влады́чицы Богоро́дицы,/ я́ко сла́вит Небе́снаго Творца́ в
Тро́ице Трисо́лнечное есте́ство/ и нас Тро́йческому
покланя́тися учи́т Божеству́/ Ейже, припа́дая, со слеза́ми**

вопиём:/ о Дѣво Пречѣстая, отвѣрзи нѣша уста// и испѣлни сѣрдце вопѣти Тебѣ песнь достойнаго хвалѣния. *(Дважды)*

Припев: **Пресвятѣя Богородице, спасѣ нас.**

Тропарь: **Утешѣние вѣлие обретѣх душѣ моѣй в бѣдах и напѣстех – прибегаѣти к Тебѣ, Богородительнице,/ и аз к цельбонѣсней Твоѣй икѣне со слезѣми вопию:/ не презри, Богородице, слез и въздыхѣния моего/ и возведѣ от печѣлей в радѣсть,/ яко и Афѣн радѣстно ликовствуѣет,/ имѣще честнѣй ѣбраз Твой троерѣчнаго явлѣния. *(Дважды)***

Припев: **Пресвятѣя Богородице, спасѣ нас.**

Тропарь: **Владѣчице, мѣра спасѣние,/ вѣрных надежда, покрѣв и заступлѣние,/ всеусѣрдно припадаѣя к Тебѣ, вопиём:/ покажи на нас, погибаѣющих, сѣлу и благодѣть цельбонѣсныя святѣя икѣны Твоея,/ избѣви нас всех напѣстей,/ да не престѣнем величѣти Тебѣ, Застѣпницу в печѣлех вѣрную. *(Дважды)***

Слѣва Отцѣ и Сѣну и Святѣму Дѣху.

Тропарь: **О Всенепорѣчная Дѣво!/ Божѣственное прорѣчѣние уст Твоѣх испѣлнися,/ ѣже о рождѣнии преподѣбнаго Михаѣла Малеина прѣжде предреклѣ есѣ,/ радуѣтся вся землѣ о Божѣственной сѣле Твоѣй,/ веселѣтся глас прѣзднующих непрѣстѣнно,/ зряще Твоего лица доброту неизрѣченную, вѣсело воспѣвающе:// радуѣся, Дѣво, христиѣн похвалѣ.**

И нѣне и прѣсно и во вѣки векѣв, амѣнь.

Тропарь: **О Всенепорѣчная Дѣво!/ Божѣственное прорѣчѣние уст Твоѣх испѣлнися,/ ѣже о рождѣнии преподѣбнаго Михаѣла Малеина прѣжде предреклѣ есѣ,/ радуѣтся вся землѣ о Божѣственной сѣле Твоѣй,/ веселѣтся глас прѣзднующих непрѣстѣнно,/ зряще Твоего лица доброту неизрѣченную, вѣсело воспѣвающе:// радуѣся, Дѣво, христиѣн похвалѣ.**

КАТАВАСІЯ, ГЛАС 4:

Хор: **Божѣственное сѣ и всѣчестнѣе/ совершающе**

**празднество,/ Богомудрии, Богоматере,/ приидите, руками
восплещим,// от Нея рождашася Бога славим.**

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки
веков, аминь.

Хор: Аминь

КОНДАК ВОСКРЕСНЫЙ, ГЛАС 2:

**Воскресл еси от гроба, Всесильне Спасе,/ и ад, видев чудо,
ужасеся,/ и мертвии восташа;/ тварь же видящи срадуется
Тебе,/ и Адам свеселится,// и мир, Спасе мой, воспевает Тя
присно.**

Икос:

**Ты еси Свет омраченным,/ Ты еси Воскресение всех, и
Живот человек, / и всех совоскресил еси, / смертную державу,
Спасе, разорь, / и адова врата сокрушивый, Слово:/ и мертвии
видевше чудо, чудяхуся, / и всяка тварь срадуется о
Воскресении Твоем, Человеколюбче./ Темже и вси славим и
поём Твое низхождение, // и мир, Спасе мой, воспевает Тя
присно.**

ПЕСНЬ 7:

Канон Воскресный, глас 2:

Хор:

Ирмос: **Боготворное веление / беззаконнующаго мучителя/
высок пламень вознесло есть;/ Христос же простре
Богочестивым отроком росу духовную, // Сый благословен
и препрославлен.**

Припев: **Слава, Господи, святому Воскресению Твоему.**

Тропарь: **Не терпел еси, Владыко, за благоутробие / смертью
человека зрети мучима, / но пришел и спасл еси Твоею кровию,
человек быв:// Сый благословен и Препрославлен, Бог отец
наших.**

Припев: **Слава, Господи, святому Воскресению Твоему.**

Тропарь: Вѣдѣвше Тя, Христѣ, оболчѣна во одѣжду отмщѣнія,/ ужасошася вратницы адовы:/ безумнаго бо мучителя раба, Владыко, пришѣл еси убѣити:// Сый благословѣн и Препрославлен, Бог отецъ нашихъ.

Припев: Пресвятая Богородице, спаси нас.

Богородичен: Святыхъ Святѣйшую Тя разумѣем,/ яко Едину рождшую Бога Непременнаго,/ Дѣво Нескверная, Мати Безневѣстная:/ всемъ бо вернымъ источила еси нетлѣние,// Божественнымъ Рождествомъ Твоимъ.

Канон Богородицы, глас 2:

Припев: Пресвятая Богородице, спаси нас.

Тропарь: Зряще в нощи убо Иаковъ,/ яко в гаданіи Бога воплощенна,/ из Тебѣ же свѣтлостію явися поющимъ:// Пребожественный отецъ Бог, и Препрославлен.

Припев: Пресвятая Богородице, спаси нас.

Тропарь: Знаменія яже в Тебѣ, неизреченнаго проявляя снятія, со Иаковомъ борется:/ ѣмже волею соединися человекомъ, Чистая:// Пребожественный отецъ Бог, и Препрославлен.

Канон Богородицы из Минѣи, глас 1:

Припев: Пресвятая Богородице, спаси нас.

Тропарь: О Мати Бога Вышняго,/ призри на молѣние вѣрою к Тебѣ прибегающихъ:/ врази на мя ополчишася, изостриша меч свой, уязвити мя хотяще./ Ты же, яко Защитница наша, отыми поношенія человеческия и напрасныя клеветы,// на Тебѣ надѣюся, Ты бо моя крѣпость и защищеніе. *(Дважды)*

Припев: Пресвятая Богородице, спаси нас.

Тропарь: **Н**енавѣдящии мя, творяще обиды,/ ниспускают стрѣлы лукавствия, хотяще мя зело уязвити,/ аз же, Пречѣстая Владѣчице, взирая на икону Твоего троеручнаго явленія,/ юже дарова нам яко стража на враги,/ приношу Тебѣ молѣние:// защити, Всепѣтая, рукою Твоею менѣ, погибающаго. *(Дважды)*

Припев: **Пресвятая Богородице, спаси нас.**

Тропарь: **В**ладѣчице Богородице,/ сокруши злыя врагов на мя помыслы и клеветы устави,/ избавляющи неповинныя от скорби,/ имамы бо, Пречѣстая Дѣво, Твою икону, благодати преисполненную,// врагов устрашающую и верно прибегающих к Тебѣ увеселяющую. *(Дважды)*

Слава Отцу и Сыну и Святому Духу.

Тропарь: **О** Дѣво Пречѣстая!/ Смирѣ сердца злых человек, обидящих и ненавѣдящих мя,/ и враждебно клянущих заградѣ уста,/ да посрамятся врази и узрят Твою сопротив борющую силу,/ се милостивно Ты нас посещаети// и залог благодати – икону Твою яко стража на враги даруеши.

И ныне и присно и во веки веков, аминь.

Тропарь: **О** Дѣво Пречѣстая!/ Смирѣ сердца злых человек, обидящих и ненавѣдящих мя,/ и враждебно клянущих заградѣ уста,/ да посрамятся врази и узрят Твою сопротив борющую силу,/ се милостивно Ты нас посещаети// и залог благодати – икону Твою яко стража на враги даруеши.

КАТАВАСИЯ, ГЛАС 4:

Хор: **Н**е послужиша твари Богомудрии/ паче Создавшаго,/ но, огненное прещение мужески поправше,/ радовахуся, поюще:// препѣтый отецъ Господь и Бог, благословен еси.

ПЕСНЬ 8:

КАНОН ВОСКРЕСНЫЙ, ГЛАС 2:

Хор:

Ирмос: **П**ещь иногда огненная в Вавилоне дѣйства разделяше,/ Божиим велѣнием халдеи опаляющая,/ верныя же

**орошáющая, пою́щая:// благословíte вся дела́ Господня,
Господа.**

Припев: Сла́ва, Госпо́ди, свято́му Воскресе́нию Твоему́.

**Тропа́рь: Крóвию Твоею́, Христé,/ очервлéно плóти Твоея́ зря́ще
одея́ние,/ трéпетом ужаса́хуся мно́гому Твоему́ долготерпéнию
а́нгельстии чíни, зову́ще:// благословíte вся дела́ Господня,
Господа.**

Припев: Сла́ва, Госпо́ди, свято́му Воскресе́нию Твоему́.

Тропарь: Ты моё смёртное одéял еси́, Щедре,/ в безсмёртие востáнием Твоём./ Тёмже веселя́щаяся благодарственно воспева́ют Тя/ избра́ннии лю́дие, Христé, зову́ще Тебé:// пожёрта бысть во́истинну смерть побéдою.

Припев: Пресвятáя Богородице, спаси́ нас.

Богородичен: Ты, Ёже Отцú неразлúчнаго,/ во утрóбе богомúжно пожívша безсе́менно зачала́ еси́,/ и неизречéнно родила́ еси́, Богороди́тельнице Пречи́стая:// тёмже Тя спасéние всех нас свéмы.

Канóн Богородицы, глас 2:

Припев: Пресвятáя Богородице, спаси́ нас.

Тропарь: Вíден бысть на землí Тобóю, и с челове́ки поживé,/ Ёже бла́гостию несравнённый и си́лою,/ Емúже пою́ще вси вёрнии зовём:/ осущество́ванная да поёт Го́спода вся тварь,// и превозно́сит во вся вéки.

Припев: Пресвятáя Богородице, спаси́ нас.

Тропарь: Во́истинну Тя, Чiстую проповéдающе, сла́вим Богородицу:/ Ты бо еди́на родила́ еси́ от Трóицы воплощённа,/ Емúже со Отцём и Дúхом вси поём:/ да поёт Го́спода вся тварь,// и превозно́сит во вся вéки.

Канóн Богородицы из Минéи, глас 1:

Припев: Пресвятáя Богородице, спаси́ нас.

Тропарь: Услы́ши молéние моё, Влады́чице Всепéтая,/ облегчи́ брéмя бед мо́их и напа́стей,/ я́ко да возмогу́ возда́ти Тебé обéты,/ я́же в печа́ли глаго́лаша уста́ моя́,/ сла́влю бо толи́ко чудéсное явлéние святы́я ико́ны Твоея́,/ возведи́ мя руко́ю Твоею́ из глубины́ бед в ра́дость,// воспева́ющая и превознося́ща Тя во вéки. *(Дважды)*

Припев: Пресвятáя Богородице, спаси́ нас.

Тропарь: О Преплагословéнная Дéво!/ Егда́ приспé день свéтлаго торжества́ – явлéния пречуднаго о́браза Твоего́,/ тогда́ Афóнская Горá краси́тся,/ я́ко приéмлет многобога́тный дар во огра́ду свою́ зарí Божéственныя./ О Дéво, озари́ сердца́ на́ша свéтом

Божества,/ Егóже в руках Твоих на икóне прославляеши,//
поющих и превозносящих Тя во вся вéки. *(Дважды)*

Припев: Пресвятáя Богорóдице, спаси нас.

Тропарь: У́жасом объ́яти б́ыша и недоумева́ша о сем,/ ка́ко три руки́ на
икóне нам яви́,/ но то́кмо радóстно вопи́ем:/ о Влады́чице Дéво,
еди́ной Тебé сиé достóйно есть –/ двема́ рука́ма Сы́на и Гóспода
держáти,/ а трéтию вёрныя от бед избавля́ти,// поющих и
превозносящих Тя во вся вéки. *(Дважды)*

Благословим Отца́, и Сы́на, и Свята́го Дúха, Гóспода.

Тропарь: Пою́т Тя вси земнорóднии и славослóвят síлы Небéсныя,/ я́ко
Мáтерь Христá Бóга нáшего,/ Ты бо, сидя́щи на честнém престóле
близ Пресвятýя Трóицы,/ во óбраз Ея́ и три руки́ на икóне яви́,/
моли́ Ю о нас, Пречы́стая, избáвители нам мук,// да возра́дуются
вси, поющии и превозносящи Тя во вéки.

И ны́не и прýсно и во вéки векóв, ами́нь.

Тропарь: Пою́т Тя вси земнорóднии и славослóвят síлы Небéсныя,/ я́ко
Мáтерь Христá Бóга нáшего,/ Ты бо, сидя́щи на честнém престóле
близ Пресвятýя Трóицы,/ во óбраз Ея́ и три руки́ на икóне яви́,/
моли́ Ю о нас, Пречы́стая, избáвители нам мук,// да возра́дуются
вси, поющии и превозносящи Тя во вéки.

КАТАВА́СИЯ, ГЛАС 4:

Хор: Хва́лим, благословим, покланя́емся Гóсподеви, поюще и
превознося́ще во вся вéки.

О́троки благочесты́выя в пéщи/ Рождество́ Богорóдичо
спасло́ есть;/ тогда́ у́бо образу́емое,/ ны́не же
дéйствиемое,/ вселéнную всю воздвизáет пéти Тебé:/
Гóспода пойте, дела́,// и превозносите Егó во вся вéки.

ПЕСНЬ 9:

КАНОН ВОСКРЕ́СНЫЙ, ГЛАС 2:

Хор:

Ирмос: Безнача́льна Родите́ля Сын, Бог и Госпо́дь,/ вопло́щся
от Дéвы, нам яви́ся,/ омраче́нная просвети́ти,/ собра́ти

расточённая, // тем Всепётую Богородицу величаем.

Припев: **Слава, Господи, святому Воскресению Твоему.**

Тропарь: **Я**ко в рай насаждено на лобнем, Спасе, / требогатое древо
Твоего пречистаго Креста, / крoвию и водою Божественною, /
яко от источника Божественнаго, / ребра Твоего, Христё,
напоёмо, // живoт нам прозяблo есть.

Припев: **Слава, Господи, святому Воскресению Твоему.**

Тропарь: **Н**изложил еси сильные, распныйся, Всесильне, / и еже низу
лежащее во адове твердыни, / естество человеческое вознес, /
на Отчем посадил еси престоле. // С Нимже Тебе грядущу
поклоняющися, величаем.

Припев: **Пресвятая Троице, Боже наш, слава Тебе.**

Троичен: **Е**диницу Тричисленную, Троицу Единосущную /
православно поюще вернии, славим: / непресекомо
Пребожественное Естество, / трисветлую, невечернюю зарю, //
Едину нетленную нам свет возсиявшую.

Канон Богородицы, глас 2:

Припев: **Пресвятая Богородице, спаси нас.**

Тропарь: **Ж**езл крепости дадеся естеству тленному, / Слово Божие во
утробе Твоей, Чистая: / и сие воскреси, до ада поползшееся. //
Темже Тя, Всечистая, яко Богородицу, величаем.

Припев: **Пресвятая Богородице, спаси нас.**

Тропарь: **Ю**же избволил еси, Владыко, / прими милостивно
Молитвенницу, / Матерь Твою, о нас, / и Твоея благодати
всяческая исполняется: // да Тя вси, яко Благодетеля,
величаем.

Канон Богородицы из Миней, глас 1:

Припев: **Пресвятая Богородице, спаси нас.**

Тропарь: **Б**езмерно насладихся щедрот и благодеяний Твоих аз, Дёво
Пречистая, / и воспеваю Тя благодарственными песнями пред
иконою Твоею, / на нейже зрится чудо чудесем: // третия
пречистая рука Твоя, на помощь и защищение Тя

призывающим. *(Дважды)*

Припев: **Пресвятая Богородице, спаси нас.**

Тропарь: **В** пѣснехъ благодарныхъ не престану величати Тя, Всепречистая Дѣво Богородице,/ яко неисчетныя щедроты низпослала еси,/ проповѣдуеши всемъ чудеса цельбоносныя Твоея иконы,/ яко подаеши в болѣзняхъ исцелѣние, в напѣстехъ избавлѣние,// Ты бо еси покровъ всемъ прибегающимъ. *(Дважды)*

Припев: **Пресвятая Богородице, спаси нас.**

Тропарь: **У**дивила еси всехъ воистинну, Пренепорочная Дѣво, заступлѣниемъ и покровомъ Твоимъ,/ врази мой отступиша от мене, вмѣсто печали радость ми дарова,/ и азъ радостно вопию,/ яко цельбоносная Твоя икона дивная чудеса показа,// да вси вѣдуще, яко Ты еси Заступница всемъ прибегающимъ. *(Дважды)*

Слава Отцу и Сыну и Святому Духу.

Тропарь: **В**ижь, Владычице Богородице, неможѣние мое,/ недоумеваю бо воспѣти милосердіе Твое на мене,/ подаждь обновлѣние сердцу моему достойно воспѣти Тебѣ пѣснь,/ толико чудному на иконѣ пречистыхъ трехъ рукъ Твоихъ изображенію,// Ты бо еси Неложная Заступница христианъ.

И ныне и присно и во веки вековъ, аминь.

Богородичен: **В**ижь, Владычице Богородице, неможѣние мое,/ недоумеваю бо воспѣти милосердіе Твое на мене,/ подаждь обновлѣние сердцу моему достойно воспѣти Тебѣ пѣснь,/ толико чудному на иконѣ пречистыхъ трехъ рукъ Твоихъ изображенію,// Ты бо еси Неложная Заступница христианъ.

КАТАВАСІЯ, ГЛАС 4:

Хор: **В**сякъ земнородный/ да възграется, Духомъ просвѣщаемъ,/ да торжествуетъ же Безплотныхъ умовъ естество,/ почитающее священное торжество Богоматере,/ и да вопіетъ:/ радуйся, Всеблаженная,// Богородице, Чистая Приснодѣво.

Хор: Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Святой Боже, Святой Крепкий, Святой Бессмертный, помилуй нас.

Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

ТРОПАРЬ ВОСКРЕСНЫЙ, ГЛАС 2:

Хор: Егда снизшел еси к смерти, Животе Безсмертный,/ тогда ад умертвил еси блистанием Божества./ Егда же и умершья от преисподних воскресил еси,/ вся Силы Небесныя зываху:// Жизнодавче, Христе Боже наш, слава Тебе. *(Дважды)*

Слава Отцу и Сыну и Святому Духу и ныне и присно и во веки веков. Аминь.

ТРОПАРЬ ИКОНЫ БОЖИЕЙ МАТЕРИ «ТРОЕРУЧИЦА», ГЛАС 4:

Днесь всемирная радость возсия нам велия:/ даровася святей Горы Афонстей/ цельбоносная Твоя, Владычице Богородице, икона,/ со изображением тричленно и нераздельно пречистых рук Твоих/ в прославление Святыя Троицы,/ созываеши бо верных и молящихся Тебе о сем познати,/ яко двема Сына и Господа держиши,/ третью же яви на прибежище и покров чтущим Тя,/ от всяких напастей и бед

избавляти,/ да вси, притека́ющие к Тебѣ, вѣроу приѣмлют
неоску́дно от всех зол свобожде́ние,/ от враго́в защище́ние,/ от
сего́ ра́ди и мы вку́пе со Афóном вопиѣм:// ра́дуйся,
Благода́тная, Господь с Тобóю.

Господи, помилуй, *40.*

Иже на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагоутробне, Иже праведныя любяй, и грешныя милуяй, Иже вся зовый ко спасению обещания ради будущих благ; Сам, Господи, прими и наша в час сей молитвы, и исправи живот наш к заповедем Твоим; души наша освяти, телеса очисти, помышления исправи, мысли очисти, и избави нас от всякия скорби, зол и болезней; огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум непреступныя Твоя славы, яко благословен еси во веки веков, аминь.

Господи помилуй, *трижды.*

Слава Отцу и Сыну и Святому Духу, и ныне и присно и во веки веков, аминь.

Старший: Молитвами святых отец наших, Господи, Иисусе Христе, Сыне Божий, помилуй нас.ⁱⁱ

Чтец: Аминь.

Нескверная, Неблзная, Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина Надеждо и боримых Помоще, готовое Заступление к Тебе притекающих, и всех христиан Прибежище: не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и прими мое еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляюще, моли, да отверзет и мне человеколюбныя утробы Свояя благодати, и презрев моя бесчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердая, и Благолюбивая, в настоящем убо житии теплая Предстательнице и Помощнице, сопротивных нашествия отгоняюще, и ко спасению наставляюще мя: и во время исхода моего окаянную мою душу соблюдающе, и темныя зраки лукавых бесов далече от нея отгоняюще; в

страшный же день суда вечныя мя избавляющи муки и неизреченныя славы Твоего Сына и Бога нашего наследника мя показующи; юже и да улучу, Владычице моя, пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков, аминь.

*Молитва иная, ко Господу нашему Иисусу Христу, Антиоха монаха
Пандекта:*

И даждь нам, Владыко, на сон грядущим, покой тела и души, и сохрани нас от мрачнаго сна греховнаго, и от всякаго темнаго и ношнаго сладострастия. Укроти стремления страстей, угаси разжженные стрелы лукаваго, яже на ны льстивно движимыя. Плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Молитва иная святаго Иоанникія:

Упование мое Отец, прибежище мое Сын, покров мой Дух Святыи: Троице Святая, слава Тебе.

Слава Отцу и Сыну и Святому Духу, и ныне и присно и во веки веков, аминь.

Господи помилуй, *трижды*. **Г**осподи, благослови.

Господи Иисусе Христе Сыне Божий, молитвами Пречистыя Твоя Матере и всех святых, помилуй и спаси нас, яко Благ и Человеколюбец. **А**минь.ⁱⁱⁱ

Таже молитву: **О**слаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех суция посети и исцеление даруй. Яже в мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным молитися о них помилуй по велицей Твоей милости. Помяни, Господи, братьий наших плененных и избави я от всякого обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков, аминь.

Хор: Господи помилуй, *трижды.*

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.
